

ՀՈՒՇԻՆ ՀԱՅՈՑ
ՔԱՂԱՔԱԿԲՐՈՒԹՅԱՆ
ՕՐԲԱՆ

ՀՏԳ- 941 (479.25):325

ԳՄԳ- 63.3(2Հ)+66.3(2Հ)

Շ 973

Գիտաժողովը նվիրվում է

Շուշիի ազատագրման 15-րդ տարեդարձին

Տպագրվում է գիտաժողովի խորհրդի որոշմամբ

Պատասխանատու խմբագիր՝

Արտակ Մադալյան

Գիտաժողովի ծրագրային կոմիտե՝

Արամ Սիմոնյան – ԵՊՀ ռեկտոր, Վլադիմիր Բարխուդարյան – ՀՀ ԳԱԱ հայագիտության և հասարակական գիտությունների բաժանմունքի ակադեմիկոս քարտուղար, Բաբկեն Հարությունյան – ՀՀ ԳԱԱ ակադեմիկոս քարտուղար, Աշոտ Մելքոնյան – ՀՀ ԳԱԱ պատմության ինստիտուտի տնօրեն, Ռուբեն Սաֆրաստյան – ՀՀ ԳԱԱ արևելագիտության ինստիտուտի տնօրեն, Արարատ Աղասյան – ՀՀ ԳԱԱ արվեստի ինստիտուտի տնօրեն, Պավել Ավետիսյան – ՀՀ ԳԱԱ հնագիտության և ազգագրության ինստիտուտի տնօրեն

Շ 973 ՇՈՒՇԻՆ ՀԱՅՈՑ ԶԱՂԱԶԱԿՐԹՈՒԹՅԱՆ ՕՐՐԱՆ: Շուշիի ազատագրման 15-րդ տարեդարձին նվիրված գիտաժողովի նյութեր: – Երևան, ՀՀ ԳԱԱ «Գիտություն» հրատ., 2007, – 370 էջ + 1 էջ ներդիր:

ԳՄԳ- 63.3(2Հ)+66.3(2Հ)

ISBN 978-5-8080-0715-4

© ՀՀ ԳԱԱ «Գիտություն» հրատարակչություն, 2007

ԱԼԵՔՍԱՆ ՅԱԿՈԲԵԱՆ

ՀՀ ԳԱԱ արևելագիտության ինստիտուտ

**ԿԵՆՏՐՈՆԱԿԱՆ ԱՐՑԱԽԻ
ՀԱՐՉԼԱՆՔ ԵՒ ՊԻԱՆՔ ԳԱՎԱՌՆԵՐԻ
ՏԵՂԱԳՐՈՒԹԻՒՆՆ ԸՍՏ «ԱՇԽԱՐՀԱՅՈՅՑ»-Ի**

Մեծ Հայքի Արցախ աշխարհի (նահանգի) տասներկու գաւառներից միայն Հարջլանքը (տարբ. Հարճղանք, Հարճլանք) եւ Պիանքն են, որոնց յիշատակութիւնը հայկական սկզբնաղբիւրներում սահմանափակում է բացառապէս «Աշխարհացոյց»-ի երկու գաւառացանկերով (Մեծ Հայքի Արցախ աշխարհի եւ Բուն Աղուանք երկրին Ե դարում միացուած ուտիք-արցախեան գաւառների թուարկումներում): Այլ վկայութիւնների բացակայութեան հետեւանքով նրանց տեղադրութեան ոչ դիրքին խնդիրը մասնագէտները լուծել են ինչ-ինչ վարկածներով, որոնք հակասում են հարեւան գաւառների՝ աղբիւրագիտական աւելի ծաւալուն հիմքերով կատարուած տեղորոշումների պատկերին: Նոր տեղորոշման փորձը կարող է յաջող լինել միմիայն «Աշխարհացոյց»-ի աւելի ուշադիր ընթերցանութեան եւ մնացեալ աղբիւրների յարակից տուեալների աւելի զգոյշ օգտագործման դէպքում:

Իր սկզբնական վիճակում Մովսէս Խորենացուն վերագրուող «Աշխարհացոյց»-ի վերը նշուած (այդպէս՝ նաեւ մնացեալ) գաւառացանկերում երկու-երեք (երբեմն չորս) անուններից բաղկացած թուարկման խմբաշարերի բացայայտումը (ըստ Բ. Յարութիւնեանի) թոյլ է տալիս նկատել, որ Հարջլանքը եւ Պիանքը երկի հեղինակի պատկերացմամբ (եւ թերեւս նրա առջեւ փռուած Մեծ Հայքի մի հինաւուրց քարտեզում) գտնուել են Արցախի կենտրոնական գաւառների թւում: Այդ նահանգի նկարագրութեան հատուածում, սկսելով նրա գլխաւոր Միւս Հաբանդ գաւառից՝ հայ աշխարհագետը տալիս է ար-

ցախեան հարաւային եւ կենտրոնական գաւառների հետեւեալ մէկընդմէջ թուարկումները. Վակունիք → Բերձոր // Մեծ Իրանք → Մեծ Կուանք → Հարջլանք // Մուխանք → Պիանք → Պածկանք (յաջորդ Սիսական-ի Կոտակ գաւառը նահանգի ամենահարաւում է, իսկ ապա յաջորդող Քուստ-ի Փառնետը եւ Կողթը՝ ամենահիւսիսում): Բուն Աղուանքին միացուած ուտիքարցախեան կենտրոնական գաւառների թուարկման խմբերը (ամենահիւսիսին վերաբերող Շակաշէն → Գարդման // Քուստ-ի Փառնետ → Կողթ // Աղուէ → Տուս-Քուստակ խմբերից յետոյ) այսպիսին են. Ուտ-Ռոստակ → Ռոտ-Պացեան // Մեծ Կուանք → Մեծ Իրանք → Պիանք → Հարջլանք (սրանց յաջորդում են հարաւային, հետագայում բացի վերջինից Դիզակի իշխանութեան, ապա թագաւորութեան մաս կազմած գաւառները՝ Պածկանք → Մուխանք // Վակունիք → Բերձոր // Փոքր Հաբանդ → Սիսական-ի Կոտակ → [Տրի] → Առանոռտ):

Առաջին գաւառացանկում Հարջլանքին հարեւան Մեծ Իրանք (կամ Մեծ Առանք) եւ Մեծ Կուանք (կամ Մեծ Կողմանք) գաւառների տեղորոշումները, շնորհիւ այլ աղբիւրներում նրանց մասին եղած մեծաքանակ յիշատակումների, նոր գրականութեան մէջ հաստատուն են: Առաջինը տարածում էր Տրտու գետի միջին հոսանքից հարաւ՝ ներառելով նաեւ Խաչեմագետի հովիտը եւ Շիկաքար ամրոցի շրջանը արդէն Կարկառի աւազանում, իսկ երկրորդը՝ Տրտուի միջին հոսանքից հիւսիս՝ ներառելով նաեւ Մռաւի լեռնաշղթայի հիւսիսարեւելեան փեշերը մինչեւ դաշտաբերան: Ընդ որում Տրտուի գետահովտում երկու գաւառների դէպի արեւմուտք տարածման սահմանը ճշտելու համար աղբիւրների ուղղակի վկայութիւնները պակասում են:

Մեր նախորդ աշխատանքներում ցոյց տրուած, որ բաւարար հիմքեր կան Վակունիքը (կամ Վակունիս, իսկ Մովսէս Դասխուրանցու մօտ պահպանուած Դիզակի ութ գաւառների ցուցակում՝ Վերին Վայկունիք) հաստատապէս տեղորոշելու Հակարի գետի Շալուայ ձախ օժանդակի հովտում, Արցախը

Սիւնիքից բաժանող նրա միւս՝ Յոջանց օժանդակի եւ Արցախեան լեռնաշղթայի միջեւ, հիսիսում մինչեւ Յակարիի եւ Տրտուի ջրբաժան Բեւեռաթափի լեռները: Այստեղ իր անունը ցայսօր անփոփոխ պահպանած Վաղագին գիւղի մերձակայ Վաղագնոյ գետը Վակունիս բնակավայրի հետ միասին է հանդէս գալիս դեռեւս Գոչավանքի 1246 թ. շինարարական վիճագրում («Վակունիս ի Վաղագնոյ] գետով...»), որի շնորհիւ առաջ է գալիս Վակունիս տեղանունը Վաղագինի դիմացի (դէպի հիւսիս-արեւմուտք) լանջին Բջանիս յորջորջմամբ գիւղանուն հետ համադրելու հնարաւորութիւնը: Այս Վակունիսից 9 կմ հիւսիս-արեւմուտք գտնուող Արախիշ (վերածուած Արիքլուի, սակայն առջեւում՝ Արախշուն հանդամասով) գիւղում ԺՁ դ. ընդօրինակուած երկու ձեռագրերից մէկում գրութեան վայրը նշուած է՝ «ի յերկիրն Վ[ա]կունիս, ի գ[ե]աւղս, որ կոչի Արախիշ», իսկ «Ծար երկրի» Մոս գիւղում 1653 թ. ընդօրինակուած ձեռագրի ստացողը կոչուած է՝ «բնական ի յերկրէն Մաղազոյ, ի գեղջէն Բախիշոյ»: Ուշմիջնադարեան Մաղաւուզ (տարբ. Մաղաոզ) գաւառի տեղորոշումը Շալուայի գետահովտում կասկածի ենթակայ չէ, քանի որ գրչագրերում ու վիճագրերում յիշուած են նրա Արտաշիբի (ներկայիս Արտաշաւի, Վաղագինից 2 կմ հարաւ) եւ Բազմատուս (հմմտ. Բիւլիւղուզ [*Բիւրատուս*] յորջորջումով գիւղը՝ եւս 6 կմ հարաւ) բնակավայրերը: Ըստ ԺՁ դ. մի յիշատակարանի՝ Վակունիս երկրում էր նաեւ Յովատուս (միւս ձեռագրի յիշատակարանում՝ Յաւատուս, իսկ երկրորդ անունով՝ Յընկուզակ) գիւղը, որի անունը համադրելի է թոււմ Սուվատ գիւղատեղիի յորջորջմանը՝ Վաղագինից 6 կմ հիւսիս:

Ընդ սմին Տրտու գետի վերին հովիտը, ուր աւանդական սխալով տեղադրում էր Վայկունիք գաւառը (Մովսէս Դասխուրանցու կողմից յիշատակուած Վայունիք գիւղանուն հետ զուգորդութեան՝ իրապէս ոչ բաւարար փաստարկով) եւ որը զարգացած միջնադարից կոչոււմ էր Ծար գաւառ (իր կենտրոնական բնակավայրի անունից), վաղ միջնադարում անհրա-

ժեշտ է համարել Սիւնիք աշխարհի հիւսիսարեւելեան Սոթք գաւառի մի մասը: Ստեփաննոս Օրբէլեանը, օգտա-գործելով վաղ շրջանի տուեալները (մինչեւ Թ դ. փոփոխութիւնները)՝ Ծարը թուարկում է Տաթեւի վանքին պատկանող եւ Աղուանից երկրին (իմա՝ Արցախին) սահմանակից շրջանների շարքում («Ըռմբի խոռն, Ծար գաւառ, Աղահէջ»): Սիւնեաց 12 գաւառների գիւղացանկերում Սոթքի 75 (76) հարկատու բնակավայրերի ցուցակի վերջին հատուածում պատմիչը նշում է ոչ միայն Ծարը, այլեւ ուրիշ գիւղանուններ, որոնք համադրելի են Տրտուի վերնահովտում եղած բնակավայրերի հետ: Օրինակ. Գետաբակք (=Գետամէջի վանք), Երերի եւ Վարժակի աղբիւր (հմմտ. Ջերմաջուր); Յոնջենք (=Յաճաւ. հմմտ. Աղահէջքում Յունչաւք - Յոջանց [*Հոջանք*] զուգորդութիւնը), Եղջերուենիք (հմմտ. Մարալդամի), Աւձի գետ եւ Աւձէն (հմմտ. Օտղշլաղ): Մի այլ գլխում նա Սիւնիքի 30 նշանաւոր վանքերի թում յիշատակում է «Դադէի վանքը»: Բջնիի Ս. Աստուածածին եկեղեցու հարաւային պատի 1031 թ. արձանագրութեան մէջ Յայոց կաթողիկոսութեան կենտրոնական արքեպիսկոպոսութեան սահմանները նկարագրում են այսպէս. «յարեւելից ի Ծար գետոյ մինչեւ ի գետն Ախուրեան»: Ուշ միջնադարում եւս աշխարհացոյցեան Սոթքի (չշփոթել այդ գաւառի ձեւաւորումից առաջ գոյութիւն ունեցած աւելի մեծ տարածքով Ծաղէացոց իշխանութեան հետ) արեւմտեան եւ արեւելեան մասերը (Սիմէոն Երեւանցու «Ջամբռ»-ում՝ «յայսկոյս լերինն» եւ «յայնկոյս լերինն») յաճախ ընկալոււմ էին իբրեւ մէկ ամբողջութիւն (նշելի է լոկ, որ այս շրջանում Դադիվանքի տիրոյթը հանդիսացող Ծար գաւառն ընդգրկում էր նաեւ Թութսուի հովիտը եւ Չափար գիւղի ու Խաղարավանքի շրջակայքերը):

Յարակից գաւառների սահմանների նշուած ճշգրտումներից յետոյ հնարաւոր է համարել, որ աշխարհացոյցեան Յարջլանք գաւառը կարող էր ընդգրկել հէնց Տրտուի Թութսու վտակի աւազանը՝ հարեւան ինչ-ինչ տարածքների հետ միասին:

Թուֆխուի հովտում Հարջլանք գաւառանուանը որոշակի նմանութիւն է դրսեւորում ժԹ դարից Օրուջլու յորջորջմամբ գիւղի անունը՝ Կարասու վտակի գետաբերանում (նրա վերնահովտում «Ջամբռ»-ը նշում է Սեւաջուր բնակավայրը): Օրուջլուի հետ իրաւացիօրէն համադրում է «Ջամբռ»-ի Հալուճ գիւղանունը (Սլ. Սարգսեան)՝ Թուֆխուի հովտի Ապահէն (=Բենա-Քիլսեալու՝ Ղալա լեռան լանջին), Շումէն (=Ջոմարդ), Չուար (=Չուլֆուգարլու), Մոս (=Մոզքենդ), Սեւաջուր, Սեժ եւ Փոքր Ղաւաշխուր (=Խալլանլու) եւ չորս այլ գիւղերի շարքում: Հաշուի առնելով Հայաստանի (նաեւ յարակից երկրների) տեղանուններում հնդիրանական Բ-Լ եւ Լ-Բ հնչիւնական անցումների յաճախակիութիւնը՝ Հալուճ անունը կարող է դիտուել իբրեւ Հարջլանք գաւառանուան հետ ուղիղ կապ ունեցող:

Վերջինիս հետ աւելի ուղղակի կապը նկատելի է Հարջանտուս տեղանուան դէպքում, որը յիշուած է Գանձասարի կաթողիկէի 1240 թ. շինարարական վիմագրում, Հասան Ջալալ իշխանի նուիրատուութիւնների հատուածում («գեղորայս Մաչեղ, Հարջանտուս, Բոլորքոչն, :Ա: լուժ ի Խաչինաձոր, Նորաշինկան գետն, Այգեստանս, Եղզընգնի»): Այստեղ թուրքուած անունները յայտնի չեն հաստատապէս Սեժ Իրանքում գտնուած Գանձասարի վանքին մօտիկ եւ վիմագրական ու այլ յիշատակումներ ունեցող տեղանունների թում, իսկ Նորաշինկան գետը համադրելի է Խաչենագետի վերնահովտի՝ ժԹ դարից թագաբենդ յորջորջուող գիւղի անուան հետ: Դրանից հնարաւոր է ենթադրել, որ Հասան Ջալալի նուիրաբերած կալուածքները (այդ թում եւ Հարջանտուսը) գտնուել են Խաչենագետի վերին վտակների շրջանում: Այդ դէպքում նկատելի է, որ Հարջլանք գաւառանուան հետ որոշակիօրէն համադրելի կարող է դիտուել նաեւ Գանձասարից քիչ արեւմուտք յառնող լեռնագանգուածի Խոջայեուրտ (Դոջաղուրդ) յորջորջումը, որն իր բարձրութեամբ (2389,3 մ) չի գիջում աւելի արեւմուտքում Թուֆխուի եւ Խաչենագետի ջրբաժան Արցախեան լեռնաշղթայի գագաթներին (2100-2300 մ) եւ որը հիւսիսից սեղ-

մելով Խաչենագետի ընդարձակ վերնահովտը բաժանում է նրա նեղ միջնահովտից: Աւելացնենք, որ այդ լեռանը կարող է վերաբերել զարգացած եւ ուշ միջնադարի 3 կալուածացանկերում (սիկելներում) յիշուած Հարգաքար (Հարագաքար, Հարցլուդայա) լեռնանունը: Դժուար չէ նաեւ նկատել, որ Խոջայեուրտով դէպի արեւելք ձգուող շղթայի Արծաթահանքի լեռներ անուան հիման վրայ հնարաւոր է առաջ քաշել այն վարկածը, թէ հաւանաբար պատահական չէ Հարջլանք անուան հիմքի նմանութիւնը բնիկ հայերէն «արծաթ» բառի (նաեւ «սպիտակ» նշանակութեամբ) հնդերոպական *Hark'- հիմքին (որից՝ խեթ. harki-, հին հնդկ. rajatá-, յուն. 'arguros, հին պարսկ. ardata-, լատ. argentum եւ այլն):

Նշենք, որ ըստ Յովի. Կարագեոզեանի՝ Հարջլանք-Հարճլանքը յիշուած է բիաինական Ռուսա Ա արքայի Ծովինարի սեպագրում (սիւնիք-արցախեան 23 երկրների թում) հայերէնի սեռական հոլովով դրուած (առանց աճական Գ-ի եւ բառամիջում Կ>Ծ>ն հնչիւնափոխութեան ենթակայ Կ-ով) «Երկիլա» անուանաձեւով: Բայց վերջինիս հիմքը «արկտոս»-«արջ» բառով ստուգաբանելու եւ Քիրս [<Խիրս] լեռան հետ կապելու հեղինակի փորձը դժուար է ընդունել: Նշուած լեռնանունը մեզ աւելի հաւանական է թում բխեցնել պարզապէս հայերէն «քերծ» («ժայռ») բառի նոր պարսկերէն յորջորջումից:

Յաւելելի է, որ ՎԳ դարի մի Աւետարանի յիշատակարանում՝ «Գանձասար մեմաստանի» մասին ասում է՝ «ի գլուխ սահմանաց Խաչենոյ», որը կարող է լինել արծագանքը Սեժ Իրանք եւ Հարջլանք գաւառների միջեւ հիմաւորց սահմանի: Եւ վերջապէս, եթէ ընդունելի է Հարջլանքի տեղորոշումը Թուֆխուի աւազանում ու Խաչենագետի վերնահովտում, ապա կարելի է նաեւ որոշ նմանութիւն նկատել գաւառանուան եւ ուշ միջնադարում յայտնի Մրջմանց (1581 թ. սիկելում՝ Մարջամանց [<Մարջամանց], ժԹ դարից՝ Մարջումակ, Սերջիմեկ) տեղանուան միջեւ՝ վերջինիս մէջ տեսնելով Հայաստանի հիւսիսում դիտուող անուանակերտ Ա նախդիրի յաւելում (ինչպէս՝

Ալգեթի [< Ագլեթի] - Մանգղեաց փոր, Եգր - մեգրել, Սազազ - Ազա [երկիր]: Իսկ դրա հիման վրայ հնարաւոր է ենթադրել, որ աշխարհացոյցեան Հարջլանք գաւառի մէջ կարող էր լինել նաեւ Տրտուի աջափնեայ, նոյնպէս ուշագրաւ Արագ(չայ) անուանումով վտակի հովիտը (Բերդաձորի Ս. Գրիգորի եւ Խաղարավանքի շրջակայքերով հանդերձ)՝ Արծաթահանք լեռան հիւսիս-արեւմտակողմում:

Աշխարհացոյցեան գաւառների թուարկման տրամաբանութեան բացայայտումից յետոյ առաւել ընդունելի տարբերակ կարող է համարուել Պիանք գաւառի տեղորոշումը Կարկառի ձախափնեայ վերին վտակների գետահովիտներում, այն է՝ Վարարակնի, Տրակետի, Մեղրագետի եւ Պտրեցիքի: Երշտենք, որ Վարարակնի համար ասուածը վերաբերում է այդ վտակի միայն ձախափնեակին, քանի որ նրա աջ ափին արդէն սկսւում էր մշտապէս Ամարասի կամ Գտչավանքի եպիսկոպոսութեանը ենթակայ եղած հարաւային Արցախի հատուածը (ուշ միջնադարում՝ Դիզակի, Վարանդայի եւ Քոչիզի մելիքութիւնների կազմում, վերջին երկուսը՝ շուտով միաւորուած), ուր աղբիւրները յիշատակում են Շօշու (մի յիշատակարանում՝ Շուշու) եւ Զառիստ (տեղորոշումը՝ որոշ թեականութեամբ) գիւղերը:

Պիանք գաւառի նշուած գետահովիտներում տեղանունների ակնյայտ համադրումներ առայժմ չեն նկատուում, բայց կարելի է թոււմ, որ միայն այդ տեղորոշման դէպքում են իրար համադրելի դառնում «Աշխարհացոյց»-ի երկու բաժինների գաւառախմբերը: Առաջին գաւառացանկի խմբում (Մուխանք → Պիանք → Պածկանք) Պիանքը հարաւային Արցախի՝ արեւելքից արեւմուտք թուարկուած երկու գաւառների միջեւ է, իսկ երկրորդում (Մեծ Իրանք → Պիանք → Հարջլանք) նրա դիրքը միջակայ է արդէն կենտրոնական Արցախի երկու գաւառների միջեւ (ընդ որում դրան հետեւում է հարաւային նոյն «Պածկանք → Մուխանք» գաւառախմբի յիշատակութիւնը): Նշենք, որ Մուխանքի տեղադրութիւնը թերեւս հանրայայտ է (Սեւջուր

կամ ճարտարի գետակի ու Խոնաշէնի հովիտներում եւ Կարկառի միջնահովտի աջափնեակում), իսկ Պածկանքի տեղորոշումը Վարարակնի ու Կարկառի աջափնեակում եւ Բովուրխանի լեռնազանգուածից հարաւ, մինչեւ «Վաչագանի վէպ»-ի «Պարզկանք» գաւառի (տարբ. Պազկանք, Պարսկանք) Վե[հ]կերտ (>Քերթ) գիւղը ներառեալ, ճշտուել է (թէեւ որոշ կասկածով) Գտչավանքի վիմագրի մասին մեր աշխատանքում («Հանդէս Ամսօրեայ», 1999):

Կատարուած ճշգրտումները թոյլ են տալիս քննարկման ներկայացնել երկու ուշագրաւ թուացող դիտարկումներ՝ հետագայում աւելի խոր հետազօտման ակնկալիքով:

ա) Տրտուի վերնահովիտը՝ Հարջլանքին յարակից Ծար գաւառի հատուածը (կամ գուցէ ամբողջ Սողքը) Մեծ Իրանքի (տուեալ դէպքում՝ արդէն Խաչենի) իշխանների տիրոջներին է միացուել (ըստ Մովսէս Դասխուրանցու տեղեկութեան) Սահլ Սմբատեանի իշխանութեան հաւանաբար վերջին տարիներին՝ Բաբելի ձերբակալումով Արաբական խալիփայութեանը մատուցած նրա նշանակալի ծառայութեան դիմաց: Իսկ դեռեւս Թ դարի 20-ական թթ., ըստ Մովսէս Դասխուրանցու եւ Ստեփաննոս Օրբէլեանի՝ միեւնոյն ողբերգական դիպուածին վերաբերող տեղեկութիւնների համադրութեան՝ «Դադոյի վանքի խորածորը» եղել է Սիւնեաց իշխանների տիրոջ: Այս պահի փոփոխութիւնից յետոյ է միայն, որ Տրտուի վերնահովիտը (Ծար, Վերին Խաչեն) սկսում է ինչ-ինչ ենթատեքստերում կոչուել նաեւ Փոքր Սիւնիք (առաջինը՝ Գրիգոր Մագիստրոսի մօտ), որը որեւէ չափով չպէտք է շփոթել Արցախի՝ «Աշխարհացոյց»-ի եւ Մովսէս Դասխուրանցու ուղղակի տեղեկութիւններով յստակ տեղորոշուող վաղմիջնադարեան ամենահարաւային Սիսական-ի Կոտակ (կամ Սիսան, Սիսական Ոստան) գաւառի հետ:

բ) Է դ. Սալման իբն Ռաբիա զօրավարի նուաճումների նկարագրութեան մէջ ալ-Բալագուրի արաբ պատմիչի նշած վեց գաւառներից (ըստ Ա. Տէր-Ղեւոնդեանի թարգմանութեան՝

«Շակչին [=Շակաչէն], Միսկուան [=Մեծ Կուանք], Ուղ [=Ուտի Առանձնակ], Միսրիան [=Մեծ Իրանք], Յարջալիան [=Յարջալանք], Տիար» վերջինի անունը գուցէ կարելի է ոչ թէ համադրել հարաւային Ուտիքի Տրի (Ֆիզուլու շրջանում եւ դէպի հարաւու արեւելք) գաւառանուան հետ, այլ փնտրել Պիանքի վերը ճշտուած տարածքում՝ իբրեւ վարկած ենթադրելով նրա կապը Տրակետ [**Տրագետ**] գետանուան հիմքի հետ: Այս դէպքում կը ստացուէր, որ արաբական տուեալ զօրաշարժը, գոնէ Թ դարի արաբ պատմիչին հասած լուրերի համաձայն՝ ինչ-որ կերպ չի դիպել հարաւային Արցախի գաւառներին: Այդպիսի տարբերակով տեղորոշման փորձը հնարաւոր է կիրառել դեռեւս բիաինական Սարդուրե Բ արքայի Գանձադռան սեպագիր տարեգրութեան Տերիա երկրանուան կապակցութեամբ, որը յիշուած է Կուլալբա (>Մեծ Կուանք՝ Տրտուի հովտում) եւ Ուխունե (>Խոխանա[բերդ]՝ Խաչենագետի հովտում) երկրներից յետոյ (համադրումներն՝ ըստ երջանկայիշատակ Յովհ. Կարազեոզեանի, 1998):